

# Таалмджта джиргъл

Мана Коммунистическ партъ болн Советск правительств, дорас ъсдж йовх багъчудт, тер тоод хамгин бичкд ўдт тасрлтан угагъар килмджан ъгнѧ. Эднѧ тѧлѧ мана орн-нутгин балгъсдар, селѧдѧр болн поселкесѧр бичкдўдин яслин, садин болн бичкдўдин поликлиникин то джил ирвѧс ѡсѧд йовна.

Элст балгъсна Роза Люксембург гидг уульницд хойр давхр цагъан ут гер зогеджана. Тадн герўр ордж ирн, бичкдўдин ду, инѧд сонъсхт. Эн — балгъсна бичкдўдин 1-ч болн 2-ч номертѧ сад. Ода болхла, садт гурвтагъас ѡклѧд зургъан наста, ут-турштан 345 бичкдўд бѧѧнѧ. Эн ѡк-ѡцкнрнѧ

багшнр, ѡмчнр, ўўлд перглѧчнр болн кѡдлмшчнр болдж, больницд, шѡлдд предприятиест болн учрежденьест кѡдлджѧцхѧнѧ.

Бичкдўдин сад, ѡрўн 7 часас авн асхн 7 час жўртл кѡдлнѧ. ягъад гихлѧ зѧрм бичкдўдин ѡк-ѡцкнр кѡдлмшѧн ѡрт ѡклнѧ, зѧрмснѧ асхнд ора кѡдлмшѧн тѡгсѧцхѧнѧ.

Бичкдўдин хойр садт 36 кўн воспитательмўд болдж кѡдлджѧцхѧнѧ. ѡврѧ кѡдлмштѧн эдн йир дурта, бичкдўдиг сѧн кевѧр оньган ѡгч хѧлѧнѧ. Эднѧ ик зунь дамшлтта, бичкдўдин халхин кѡдлмшт ик удак кѡдлджѧцхѧнѧ. Улгўрлхд, Самарская Татьяна Петровна 17 джил, Цыбалова Елена

Алексеевна 20 джил кѡдлджѧнѧ. Ода пенсд бѧѧд болвчин, ўр Цыбалова кѡдлмшѧн хайджахш. Струк Полина Филатовна болн Васькина Мария Николаевна, тавагъад джил даву кѡдлджѧцхѧнѧ. Дамшлтта болн медѧтѧ улс дунд багъ наста кўўнд чигн бѧѧнѧ. Зѧрмснѧ ѡврѧ медрлѧн заочн институтд сурч ѡдлўлджѧнѧ. Такаева Раиса Николаевна Ростовск пединститутин заочн дошкольн ѧнъгд сурчана. Бичкдўд садт шишлиѧ режимѧр бѧѧнѧ. ѡдрт гурв дакдж бичкдўдт ѧмтѧхн хот ѡггднѧ. Воспитательмўдин гдрдвар, бичкдўд гимнастик, зурлгън, кѡгджмин занягъ болн нань чигн занягъс ѡдр болгън дасна.

Бичкдўдин садин заведующнр Дошкина Анна Васильевна, Мусова Мария Ивановна ик гидг килмдж бичкдўдт ѡгнѧ.

Болв бичкдўдин садин кѡдлмшт ода чигн ик дуту-дундс бѧѧнѧ. Садин герин газа бичкдўд наадлгъна оборудованъс уга, бѧѧсн гернѧ йир багъддж бѧѧнѧ. 2-ч номертѧ садт гер ѡклдж ѡрснѧс нааран хойр джил болджана, болв эн кѡдлмш нег кевѧр бѧѧгъѧ. «Ремстройконтор» ѡгсн заказиг ода чигн кегъад уга. Бичкдўдин садмудиг стулмудар болн нань чигн кергтѧ тоотсар Главснасбыт муугъар теткнѧ.

Эн тоот тѡрмўдиг хагъллгън—ѡркн чинртѧ тѡрмўд. Балгъсна кўцѧгч комитет болн тосхлтин организац, ирх джилд бичкдўдт бѧрджѧх герин тосхлтд оньган ѡгч зѡвтѧ.

**С. ЖУНОВ.**